

E P I S T O L A

go conueniunt & principibus: nego, hæc cœlestia promiscuè omnium, sed generosi saltem animi pabulum sunt: non meo voto, vel opera, non sua natura, non Dei inuidia: sed plurimorum hominum vel stupiditate vel ignavia. Solent principes aliqua magna preceij inter secundas habere mensas, quibus utantur non nisi saturi, leuandis fastidij causa. Sic hæc & huiusmodi studia generosissimo & sapientissimo cuique, tum demum sapient, ubi è casa per pagos, oppida, prouincias, regna ad orbis imperium ascenderit, omnia propè perspexerit; nego, ut sunt humana, quicquam ullibi reperierit beatum, diuturnum, & tale, quo finiri & saturari queat eius appetitus. Tunc enim incipiet meliora querere, tum à terra huc in cœlum ascendet, tum animum fessum curis in anibus ad hanc quietem transferet, tum dicet

Felices animas, quibus hæc cognoscere primùm  
Inque domos superas scandere cura sicut,

quare contemnere incipiet, quæ olim præstantissima censuit, sola hæc Dei opera magnificat, atque meram & sinceram tandem voluptatem ex his contemplationibus capiet. Contemnant igitur hæc & huiusmodi meletemata, quicunque, quantumcunque, volent, querantque, sibi undiquaque commoda, dinitias, thesauros: Astronomis ista hæc gloria sufficiat, quod Philosophi sua scribunt, non rabulis; Regibus non pastoribus. Prædico intrepidè, futuros tamen aliquos, qui suæ sibi senectutis hinc comparent solatum; tales nempe, qui quoad Magistratus gesserunt, ita se gesserunt, ut liberi morsibus conscientiae, habiles esse possint fruendis hisce delicijis.

Existet iterum Carolus aliquis, qui, cum Europa, quoad imperauerit, non caperetur; fessus imperijs, exigua S. Iusti cellula capiatur: cuique inter tot spectacula, titulos, triumphos, tot diuitias, urbes, regna; unica Turrianica, vel iam Copernicopythagorea Sphæra Planetaria tantopere placeat, ut orbem terrarum, cum ea commutet, digitaque circulos, quam populos imperijs regere malit.

Non hæc èo dico, viri Amplissimi, ut nouum paradoxon, senes discipulos, in scenam, seu in scholas producer: sed ut appareat quodnam